

КІРІСПЕ СӨЗ



2005 жыл Қазақстанның депозиттерге кепілдік беру қоры үшін ерекше болды. Алматыда әлемнің 26 елінің қаржылық топтары өкілдерінің қатысуымен Халықаралық конференция өтті; «Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы» Қазақстан Республикасы Заңының жобасы жасалды, депозиттерге міндетті кепілдік беру жүйесіне қатысушы банктер үшін міндетті күнтізбелік жарналардың дифференциалдық ставкаларының әдістемесі жасалды; қатысушы банк - «Наурыз Банк Қазақстан» акционерлік қоғамының мәжбүрлеп таратылуы салдарынан салымшыларға кепілдік берілген

өтемді төлеуге әзірлік жұмыстары жүргізілді.

Жыл қорытындысы Қазақстанда депозиттерге кепілдік беру жүйесінің тиімділігі жоғары екенін көрсетті. Банктерде жеке тұлғалар депозиттерінің тұрақты өсуі байқалады. Кепілдік берілген депозиттердің үлесі өсе түсуде. Халықтың депозиттерге кепілдік беру жүйесі қызметінің мәселелеріне бағыт-бағдар алу деңгейі арта түсуде.

Депозиттерді сақтандыру жүйелерінің халықаралық ассоциациясына (IADI) қатысу шеңберінде халықаралық практика мен стандарттардың жетістіктерін ескере отырып Қордың шетелдік ұйымдармен ынтымақтастығы Қазақстанның депозиттерге кепілдік беру жүйесінің жұмыс істеу жолдарын жетілдіру үшін тиімді тәжірибе алмасуына жәрдемдеседі.

Қордың Қазақстанның депозиттерге кепілдік беру жүйесін дамыту жөніндегі бастамаларына ықылас білдіріп, қолдау көрсеткені үшін барлық әріптестеріме алғыс айтып, ризашылығымды білдіремін.

Құрметпен,



Бақыт Мәженова,
Қазақстанның депозиттерге кепілдік беру қорының Бас директоры



ҚАБЫЛДАНҒАН ҚЫСҚАРТУЛАР

IADI

Депозиттерді Сақтандыру Жүйелерінің Халықаралық Ассоциациясы
(International Association of Deposit Insurers)

ААК

Азиялық Аймақтық Комитеті

ЕААК

Еуразиялық Аймақтық Комитеті

**Қаржы Қадағалау
Агенттігі**

Қазақстан Республикасының қаржы рыногын және
қаржылық ұйымдарды реттеу мен қадағалау
жөніндегі агенттігі

Қор

«Қазақстанның депозиттерге кепілдік беру қоры» АҚ

Ұлттық Банк

Қазақстан Республикасының Ұлттық Банкі



МАЗМҰНЫ

Кіріспе сөз	1
Қордың ұйымдық құрылымы	4
Қатысушы банктер.....	5
Кепілдік берілген депозиттер.....	6
Кепілдік берілген өтемді төлеуге арналған арнайы резерві.....	7
Қордың активтері.....	8
Кепілдік берілген өтем.....	9
Салымшыларға кепілдік берілген өтемді төлеу.....	9
Жұртшылықты хабардар ету.....	10
Халықаралық ынтымақтастық.....	11
Қордың даму болашағы.....	15
Қаржылық есептілік.....	16



ҚАЗАҚСТАННЫҢ ДЕПОЗИТТЕРГЕ КЕПІЛДІК БЕРУ ҚОРЫНЫҢ ҰЙЫМДЫҚ ҚҰРЫЛЫМЫ

Акционер

Ұлттық Банк

Директорлар кеңесі

- Ұлттық Банк Төрағасының орынбасары
- Қаржы Қадағалау Агенттігі Төрағасының орынбасары
- Қаржы министрлігінің вице-министрі
- Қазақстан қаржыгерлері қауымдастығының өкілі
- Қордың Бас директоры

**Консультациялық
Кеңес**

Қатысушы банктердің өкілдері:

- «Альянс Банк» АҚ
- «АТФ Банк» АҚ
- «Банк Каспийский» АҚ
- «ТұранӘлем Банкі» АҚ
- «Банк ЦентрКредит» АҚ
- «Казкоммерцбанк» АҚ
- «Қазақстан Халық Банкі» АҚ
- ЕАБ «ABN AMRO Банк Қазақстан» АҚ

Қордың бөлімдері

- Әдістеме және құқықтық қамтамасыз ету бөлімі
- Проблемалы банктермен жұмыс бөлімі
- Банктердің статистикасы және талдау бөлімі
- Қаржы-әкімшілік бөлімі



ҚАТЫСУШЫ БАНКТЕР

Депозиттерге кепілдік беру жүйесі міндетті нәрсе: уәкілетті органның жеке тұлғалардың депозиттерін қабылдауға, банк шоттарын ашу мен жүргізуге берген лицензиясын алғаннан кейін банк Депозиттерге кепілдік беру жүйесіне кіру үшін Қорға өтініш, уәкілетті органның жағымды қорытындысын, депозит саясатын, сондай-ақ тартылған депозиттер бойынша және ол бойынша Қорға өтініш берген күнгі сыйақы ставкалары бойынша мәліметтер тапсырады. Дұрыс шешім қабылданған жағдайда Қор банкпен шарт жасасып, Депозиттерге кепілдік беру жүйесіне қатысушы куәлігін береді.

Қатысушы банк Қорға тоқсан сайын міндетті күнтізбелік жарналар төлеп тұруға міндетті. Ол кепілдік берілетін депозиттер сомасына қарай пайызбен есептеледі. Бұл орайда Депозиттерге кепілдік беру жүйесінің екі жылдан астам уақыт бойында қатысушысы болып табылатын банктер 0,16%, ал қатысушы болғанына екі жылдан аспаған уақыт көлеміндегі банктер 0,25% жарна төлейді. Күнтізбелік жарналар кепілдік берілген өтемді төлеуге арналған арнайы резервіне жинақталады.

Қатысушы банк мәжбүрлеп немесе ерікті түрде таратылған жағдайда ол Депозиттерге кепілдік беру жүйесінен шығарылады. Сонымен қатар Қор қатысушы банктің жеке тұлғалардың депозиттерді қабылдауға, олардың банк шоттарын ашу мен жүргізуге арналған лицензиясын қайтарылып алынған жағдайда, не банк Қормен жасасылған қатысу шартының міндеттемелерін үздіксіз бұзып келген жағдайда оны Депозиттерге кепілдік беру жүйесінен шығара алады.

2005 жылдың 1 қаңтарында Қазақстанда екінші деңгейдегі 35 банк жұмыс істеді. Оның ішінде 34 банк Депозиттерге кепілдік беру жүйесінің қатысушысы болды. Желтоқсан айында мәжбүрлеп таратылуы салдарынан «Наурыз Банк Қазақстан» акционерлік қоғамы Депозиттерге кепілдік беру жүйесінен шығарылды.

2005 жылдың 31 желтоқсанындағы жағдай бойынша
Депозиттерге кепілдік беру жүйесіне қатысушы банктердің
ТІЗІМІ

1. «АЛЬЯНС БАНКІ» АҚ	17. «ҚАЗАҚСТАННЫҢ ИНДУСТРИАЛДЫҚ БАНКІ» АҚ
2. «АТФБАНК» АҚ	18. «ҚАЗАҚСТАН-ЗИРААТ ХАЛЫҚАРАЛЫҚ БАНКІ» АҚ
3. «БАНК «КАСПИЙСКИЙ» АҚ	19. «ҚАЗАҚСТАНДЫҚ ИННОВАЦИЯЛЫҚ
4. «ТҰРАНӨЛЕМБАНКІ» АҚ	КОММЕРЦИЯЛЫҚ БАНК» АҚ
5. «БАНК ЦЕНТРКРЕДИТ» АҚ	20. «ҚАЗИНВЕСТБАНКІ» АҚ
6. «ВАЛЮТ-ТРАНЗИТ БАНК» АҚ	21. «КАЗКОММЕРЦБАНК» АҚ
7. «ДАНАБАНК» АҚ	22. «АЛМА-АТА» ХАЛЫҚАРАЛЫҚ БАНКІ» АҚ
8. «ДЕМИР ҚАЗАҚСТАН БАНК» АҚ	23. «ҚАЗАҚСТАН ХАЛЫҚ БАНКІ» АҚ
9. «ЕНШІЛЕС АКЦИОНЕРЛІК БАНК	24. «НЕФТЕБАНК» АҚ
«ABN AMRO БАНК ҚАЗАҚСТАН» АҚ	25. «НҰРБАНК» АҚ
10. «АЛЬФА-БАНК» ЕНШІЛЕС БАНК» АҚ	26. «СЕНІМ-БАНК» АҚ
11. «ЕНШІЛЕС БАНК «ҚАЗАҚСТАНДАҒЫ	27. «СИТИБАНК ҚАЗАҚСТАН» АҚ
ҚЫТАЙ БАНКІ» АҚ	28. «БІРЛЕСКЕН БАНК «ЛАРИБА-БАНК» АҚ
12. «ПАКІСТАН ҰЛТТЫҚ БАНКІСІНІҢ»	29. «ТЕМІРБАНК» АҚ
ҚАЗАҚСТАНДАҒЫ ЕНШІЛЕС БАНКІ АҚ	30. «ТЕХАКАВАНК» АҚ
13. «ТАИБ ҚАЗАҚ БАНКІ» ЕНШІЛЕС БАНК АҚ	31. «АЛМАТЫ ҚАЛАСЫНДАҒЫ ҚЫТАЙ САУДА-
14. «ЕУРАЗИЯЛЫҚ БАНК» АҚ	ӨНЕРКӘСІП БАНКІ» АҚ
15. «ҚАЗАҚСТАННЫҢ ТҰРҒЫН ҮЙ ҚҰРЫЛЫС	32. «ЦЕСНАБАНК» АҚ
ЖИНАҚ БАНКІ» АҚ	33. «HSBC БАНК ҚАЗАҚСТАН» АҚ
16. «ЗАМАН-БАНК» АҚ	ЕНШІЛЕС БАНКІ



КЕПІЛДІК БЕРІЛГЕН ДЕПОЗИТТЕР

Заңдарға сәйкес Қор қатысушы банктің жеке тұлғаларының мынадай депозиттеріне кепілдік береді:

- 7 миллион теңгеге (олардың шетел валютасымен баламасына) дейін мерзімдік және шартты депозиттеріне;


- талап ету бойынша алынатын депозиттерге;

- ағымдағы және карт-есепшоттардағы ақша қалдығы.

Жеке тұлғалардың мөлшері 7 миллион теңге (оның шетел валютасымен баламасы) және одан көп болатын депозиттері, банктің бірінші басшыларының және олардың жақын туыстарының, сондай-ақ акциялардың 5% және одан көп даусы бар акцияларын иеленетін акционерлердің және олардың жақын туыстарының депозиттеріне кепілдік жасалмайды.

Диаграммада Қазақстан Республикасының екінші деңгейдегі банктеріндегі жеке тұлғалар депозиттерінің өсу серпіні көрсетілген. Депозиттерге кепілдік беру жүйесінің жұмыс істеген 6 жыл ішінде кепілдік берілген депозиттердің, сондай-ақ жеке тұлғалардың депозиттерінің сомасы тұтас алғанда 11 рет өскен.

ҚАЗАҚСТАН РЕСПУБЛИКАСЫНЫҢ ЕКІНШІ ДЕҢГЕЙДЕГІ БАНКТЕРІНДЕГІ
ЖЕКЕ ТҰЛҒАЛАР ДЕПОЗИТТЕРІНІҢ ӨСУ СЕРПІНІ
млрд теңге




КЕПІЛДІК БЕРІЛГЕН ӨТЕМДІ ТӨЛЕУГЕ АРНАЛҒАН АРНАЙЫ РЕЗЕРВІ

Қаржыландыру механизмі қатысушы банк мәжбүрлеп таратылған жағдайда Қордың кепілдік берілген өтемді төлеуге арналған арнайы резерві жинақтауына негізделген. Бұл резерв қатысушы банктің күнтізбелік жарналарынан, Қордың активтерді орналастырудан түсетін таза табысынан, қатысушы банктердің жарналарды уақтылы немесе толық төлемегені үшін алынатын өсімпұлынан, қатысушы банктерге салынатын айыппұлдардан; мәжбүрлеп таратылатын қатысушы банктің төленген кепілдік берілген өтем сомалары бойынша Қордың талаптарын қанағаттандыру тәртібімен алынған ақшадан құралады.

Өтем төлейтін арнайы резерв жетпеген жағдайда жарғылық капиталдың қаржысын (жарғылық капиталдың қаржысының 50%-на дейінгі мөлшерде), сондай-ақ қатысушы банктердің қосымша немесе төтенше жарналарын пайдалануға болады. Жарналардың соңғы түрі Қор салымшыларға өтем төлейтін қаражат тапшы болған жағдайда Ұлттық банктің займдарын өтеу үшін алынады.

2005 жылы Қордың резерві 6,8 миллиард теңгеден 8,4 миллиард теңгеге дейін көбейді. Өтем резервінің 2005 жылдың желтоқсан айында азаюы «Наурыз Банк Қазақстан» акционерлік қоғамының салымшыларына кепілдік берілген өтемді агент банк арқылы төлеуге байланысты.

ӨТЕМАҚЫ РЕЗЕРВІ (2001-2005 жж.)
млрд теңге






ҚОРДЫҢ АКТИВТЕРІ

2005 жылы Қордың активтері 30%-ға дейін өсті. Бұл өсу қатысушы банктердегі кепілдік берілетін депозиттер базасының көбеюіне және соған сәйкес Қорға төленетін міндетті күнтізбелік жарналар мөлшерінің көбеюіне байланысты.

ҚОР АКТИВТЕРІНІҢ ӨСУ СЕРПІНІ
млрд теңге



Коммерциялық ұйым болмағандықтан Қор активтердің негізгі бөлігін тәуекел жасалмайтын Қазақстан Республикасының, АҚШ-тың және Еуроодақ елдерінің мемлекеттік құнды қағаздарына орналастырады. Қордың активтерін инвестициялық басқаруды сенім білдірілген басқарушы жүзеге асырады. Ол Ұлттық банк болып табылады. Активтің орташа табыстылығы 2005 жылы 6% болды.



КЕПІЛДІК БЕРІЛГЕН ӨТЕМ

Қатысушы банк мәжбүрлеп таратылған жағдайда Қор кепілдік берілген депозиттер бойынша салымшыларға кепілдік берілген өтем төлейді. Өтем мөлшері депозиттің сыйақы есептелмеген сомасына тең болады, бірақ ол 400 мың теңгеден аспайды.

Қор қатысушы банктер арасында конкурс өткізеді де оның қорытындысы бойынша агент-банк таңдап алынып, ол арқылы халыққа кепілдік берілген өтем төленетін болады.

Қор мен таңдап алынған агент-банк арасындағы келісімге қол қойылғаннан кейін, агент-банкке өтем жасау резервінен қажетті сома аударылады.

Қор халыққа республикалық газеттерге жариялау арқылы кепілдік берілген өтем төлеу тәртібі мен мерзімін хабарлайды.

САЛЫМШЫЛАРҒА КЕПІЛДІК БЕРІЛГЕН ӨТЕМДІ ТӨЛЕУ

2005 жылдың желтоқсан айында Депозиттерге кепілдік беру жүйесінен «Наурыз Банк Қазақстан» акционерлік қоғамы шығарылды. Банк заңдарын үнемі бұзғаны үшін Қаржы Қадағалау Агенттігі банк операцияларын жүргізуге берілген лицензияны бұл банктен қайтарып алды. Сонан соң соттың шешімімен банк мәжбүрлеп таратылды.

«Наурыз Банк Қазақстан» АҚ-ның 20 мыңға жуық (71%) салымшысы депозиттерге кепілдік беру жүйесінің қамқорлығына алынды, ал кепілдік өтемінің жалпы сомасы 1 миллиардтай теңге болады.

Қор өткізген конкурстың қорытындысы бойынша Қазақстанның барлық аймақтарында бөлімшелері бар отандық аса ірі банктердің бірі «ТұранӘлемБанкі» акционерлік қоғамы таңдап алынды. Агент-банк халыққа кепілдік өтемді 2006 жылдың аяғына дейін төлейтін болады.

Қор қызметкерлері «Наурыз Банк Қазақстан» АҚ тарату комиссиясының құрамына қатысады.



ЖҰРТШЫЛЫҚТЫ ХАБАРДАР ЕТУ

Қордың Депозиттерге кепілдік беру жүйесі туралы жұртшылықты хабардар ету жөніндегі жұмысы банк таратылған жағдайда кепілдік өтемді төлеу шарттары мен тәртібін бұқаралық ақпарат құралдарында жариялау арқылы түсіндіруге бағытталған. Қор қызметінің осынау саласы жұртшылықтың отандық банк жүйесіне сенімін қолдауда маңызды роль атқарады.

Жұртшылыққа хабарлаудың негізгі әдістері:

- депозиттерге кепілдік беру мәселелері бойынша республикалық және аймақтық басылымдарда мақалалар, сұхбаттар мен ақпараттық хабарлар жариялау;

- Қор басшылығы мен қызметкерлерінің республикалық радио мен теледидардан интерактивтік хабарларға қатысуы;

- Қор мен қатысушы банктер басшылығының қатысуымен баспасөз конференцияларын ұйымдастыру және өткізу;

- Қор қызметкерлерінің салымшылардың хаттары мен телефон шалуларына жауап беруі;

- кеңес алуға келген азаматтарды қабылдау;

- Қордың қызметі туралы Интернет желісінде хабар жариялау. www.kdif.kz веб-сайтында үш тілде (мемлекеттік, орыс және ағылшын) депозиттерге кепілдік беру жөніндегі заңнамалық база, қатысушы банктердің тізілімі, бұқаралық ақпарат құралдарында жарияланған мақалалар мен хабарлар, соңғы жаңалықтар болады. Сондай-ақ сайтта кері байланыс жүйесі жұмыс істейтін болады.

Республикалық газеттерде міндетті түрде Қордың жылдық қаржы есебі, сондай-ақ қатысушы банктердің тоқсанның басындағы жағдай бойынша тізілімі жарияланады.

Қор жыл сайын «Шұғыл байланыс» акциясын өткізеді. Бұл акция тікелей Қордың мамандарына Қазақстанның кез-келген аймағынан телефонмен сұрақ беруге мүмкіндік туғызады. Салымшылар арнайы номерді теріп, депозиттерге кепілдік берілгені туралы өздері мүдделі болып отырған сұрақтарға білікті жауап ала алады. Бұл қоңырау шалудың ақысын Қор төлейді.

ХАЛЫҚАРАЛЫҚ ҮНТЫМАҚТАСТЫҚ

2003 жылдан бері Депозиттерді Сақтандыру Жүйелерінің Халықаралық Ассоциациясының (IADI) мүшесі бола отырып, Қор депозиттерді сақтандыру жөніндегі шетелдік ұйымдармен қызу ынтымақтастық жасап келеді. IADI-ға мүше болу Қорға қаржылық қауіпсіздік жүйесінің, алдын ала ықпал ету және проблемалық қаржы институттарының мәселесін шешу жүйесінің құрамдас бөлігі ретінде депозиттерге кепілдік берудің тиімді жүйесін орнату саласындағы дүние жүзілік тәжірибеге жол ашады.

IADI Атқару комитетінің құрамына кіретін Қордың басшылығы IADI-дың жыл сайын өтетін 4 жиналысы мен конференциясына (қыркүйек 2005, Тайвань), сондай-ақ Жапонияның депозиттерге кепілдік беру жөніндегі корпорациясы ұйымдастырған тәжірибе алмасу жөніндегі семинарға (наурыз 2005, Токио) қатысты.

IADI Зерттеу комитеті шеңберінде Қор депозиттерді сақтандыру жүйесінің тиімді жұмыс істеуі және проблемалық қаржы институттарының мәселесін тиімді шешудің түрлі мәселелері бойынша IADI нұсқауларына/стандарттарына зерттеу жүргізуге қатысуда.

Сонымен бірге Қор IADI Аудиторлық комитетінің, сондай-ақ Азиялық және Еуразиялық аймақтық комитеттерінің мүшесі болып табылады.



ҚОРДЫҢ ЕААК ШЕҢБЕРІНДЕГІ ҚЫЗМЕТІ

Бүгін таңда IADI Еуразиялық аймақтық комитетіне Қазақстанның депозиттерге кепілдік беру қоры, Салымдарды сақтандыру агенттігі (Ресей) және Жеке тұлғалардың салымдарына кепілдік беру қоры (Украина) кіреді. ЕААК-тың қауымдасқан мүшелері Тәжікстанның депозиттерге кепілдік беру қоры және Арменияның депозиттерге кепілдік беру қоры болып табылады.

2005 жылы бірқатар шаралар өткізілді. Оларда ЕААК қызметінің ағымдағы мәселелері, комитетке қатысушылар құрамын кеңейту және қызметінің болашағы мәселелері қаралды:

мамыр, 2005	ЕААК ашық мәжілісі (Алматы қаласы, Қазақстан)
қыркүйек, 2005	ЕААК қатысушылардың мәжілісі (Хаолин қаласы, Тайвань)
қараша, 2005	Қазақстанның депозиттерге кепілдік беру қоры және Салымдарды сақтандыру агенттігі басшыларының кездесуі (Мәскеу қаласы, Ресей)
қараша, 2005	Қазақстанның депозиттерге кепілдік беру қоры және Әзербайжан Ұлттық Банкі басшыларының кездесуі (Баку қаласы, Әзербайжан)



Бақыт Мәженова (Қазақстанның депозиттерге кепілдік беру қорының Бас директоры),
Александр Турбанов (Салымдарды сақтандыру агенттігінің Бас директоры),
Андрей Мельников (Салымдарды сақтандыру агенттігінің Бас директорының орынбасары)
Мәскеу (Ресей), қараша 2005 ж.



Бақыт Мәженова (Қазақстанның депозиттерге кепілдік беру қорының Бас директоры),
Вадим Хубанов (Әзербайжан Ұлттық Банкі Төрағасының орынбасары),
Руфат Асланов (Әзербайжан Ұлттық Банкі Басқармасының мүшесі)
Баку (Әзербайжан), қараша 2005 ж.

«АЛДЫН АЛА ЫҚПАЛ ЕТУ ЖҮЙЕСІ» ХАЛЫҚАРАЛЫҚ КОНФЕРЕНЦИЯСЫ

2005 жылғы мамырда Алматыда «Алдын ала ықпал ету жүйесі: іске асырудың жолдары мен әдістері» деген тақырыпта Халықаралық конференция болып өтті. Оны IADI-дың, Экономикалық мәселелер жөніндегі мемлекеттік секретариаттың (SECO, Швейцария), Еуропаның қайта құру және даму банкінің (EBRD), АҚШ-тың халықаралық даму агенттігінің (USAID) жәрдемімен Қазақстанның депозиттерге кепілдік беру қоры ұйымдастырды.



Конференцияға 26 елден: Өзербайжаннан, Армениядан, Грузиядан, Үндістаннан, Иорданиядан, Қазақстаннан, Канададан, Қырғызстаннан, Малайзиядан, Молдовадан, Монғолиядан, Польшадан, Ресейден, АҚШ-тан, Тәжікстаннан, Тайваньнан, Танзаниядан, Түркиядан, Өзбекстаннан, Украинадан, Франциядан, Чехиядан, Швейцариядан, Швециядан, Оңтүстік Кореядан, Жапониядан жүзге жуық өкіл қатысты. Олардың арасында IADI, EBRD, USAID, Халықаралық есеп айырысу банкінің, депозиттерді сақтандыру институттарының, Орталық банктердің және қадағалау органдарының, аудиторлық компаниялардың, Қазақстан Республикасы Ұлттық Банкінің, Қаржы Қадағалау Агенттігінің және коммерциялық банктерінің өкілдері болды.



Конференцияның ашылу салтанатында Қордың Бас директоры Бақыт Мәженова, IADI Президенті Жан Пьер Сабурен, Қазақстан Республикасы Ұлттық Банкінің Төрағасы Әнуар Сәйденов, Қаржы Қадағалау Агенттігінің Төрағасы Болат Жәмішев сөз сөйледі.

Конференцияда қаржылық қауіпсіздік жүйесінің негізгі принциптері, осы жүйеге қатысушылардың міндеттері мен өкілеттіктері, сондай-ақ оның тиімді басқарылуы мен жұмыс істеуінің мәселелері қаралды. Қаржылық қауіпсіздік жүйесінің бірегей бөлігі ретінде депозиттерді сақтандырушыға және оның депозиттер бойынша алған міндеттемелерін қорғауға аса назар аударылды. Қаржылық қауіпсіздік жүйесінің құрамдас бөлігі ретінде алдын ала ықпал ету жүйесін құрудың дүние жүзілік тәжірибесі, Базель II келісімін енгізу тәжірибесі зерттелді, дифференциалдық жарналар жүйесін дамыту жөніндегі ұсыныстар, проблемалы банктерді тиімді шешу мәселелері және т.б. қаралды.





ҚОРДЫҢ ДАМУ БОЛАШАҒЫ

Қордың қызметі бұрынғысынша таңдаулы әлемдік тәжірибені және IADI нұсқауларын ескере отырып депозиттерге кепілдік беру жүйесін одан әрі жетілдіре түсуге бағытталатын болады.

Қордың алдында екі негізгі міндет тұр: депозиторларды барынша қорғауды қамтамасыз ету және Депозиттерге кепілдік беру жүйесінің тәуекелдерін бағалау мен басқару.

Бұл міндеттерді шешу үшін Қордың жұмысы екінші деңгейдегі банктердің Депозиттерге кепілдік беру жүйесіне қатысуына және проблемалық банктерді тиімді шешуге, оның ішінде қаржылық жағынан дәрменсіз банктерді таратуға байланысты процедураларды жетілдіру бағытында жүзеге асырылатын болады.

Заңнамалық және өзге де нормативтік-құқықтық актілерді жасау саласында Қор Қаржы Қадағалау Агенттігімен бірлесе отырып «Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы» Заң жобасын жасау үстінде. Мәжбүрлеп таратылатын банктің міндеттемелері мен мүліктерінің бір бөлігін бір мезгілде басқа банкке беру (P&A) операцияларын жүргізу мәселелері бойынша құқықтық база жасау жоспарлануда.

Қор депозиттерге міндетті кепілдік беру жүйесіне қатысушы банктер үшін міндетті күнтізбелік жарналардың дифференциалдық ставкаларының жүйесін жасауды қолға алуда. Оны 2007 жылдан қолданысқа енгізу жоспарланып отыр.

Проблемалық банктерді тиімді шешуге байланысты озық әдістер мен технологияларды пайдалану мақсатында Қор проблемалық банктердің активтерін бағамдау әдістемесін жасау жобасын әзірлеуде.



2005 жылғы БУХГАЛТЕРЛІК БАЛАНС

(қазақстандық теңгемен)

АКТИВТЕР	Ескерту №	Есепті кезеңнің басында	Есепті кезеңнің соңында
I. Ұзақ мерзімді активтер			
Материалдық емес активтер		349,067	811,188
Материалдық емес активтерді амортизациялау		98,349	231,868
Материалдық емес активтердің баланстық (қалдық) құны	A	250,718	579,320
Негізгі құрал-жабдық		8,729,884	9,445,697
Негізгі құрал-жабдықтың тозуы		2,870,638	4,936,949
Негізгі құрал-жабдықтың баланстық (қалдық) құны	B	5,859,246	4,508,748
Аяқталмаған құрылыс			
Ұзақ мерзімді инвестициялар			
Ұзақ мерзімді қаржылық инвестициялар	C	5,051,216,731	6,994,357,541
Алдағы кезеңдердің ұзақ мерзімді шығыны			
Ұзақ мерзімді активтердің жиынтығы		5,057,326,695	6,999,445,609
II. Ағымдағы активтер			
Тауар-материалдық запастар, барлығы	D	592,230	524,099
Қысқа мерзімді дебиторлық берешек	E	566,345,897	1,131,166,801
Бюджетке артық төленгені			
Алдағы кезеңдердің шығыны	F	115,560	516,558
Қысқа мерзімді қаржылық инвестициялар	C	2,562,641,421	2,368,176,974
Ақша	F	136,480,023	190,316,284
Ағымдағы активтердің жиынтығы		3,266,175,132	3,690,700,716
БАЛАНС		8,323,501,827	10,690,146,325
МЕНШІКТІ КАПИТАЛЫ МЕН МІНДЕТТЕМЕЛЕРІ			
III. Меншікті капиталы			
Жарғылық капитал		1,000,000,000	1,000,000,000
Төленбеген капитал			
Алынған капитал			
Қосымша төленген капитал			
Қайта бағалау сомасы (Қосымша төленбеген капитал)	G		352,286,966
Резервтік капитал	H	10,000,000	10,000,000
Бөлінбеген кіріс (өтелмеген шығын)	I	357,965,352	314,778,747
оның ішінде:			
есепті жылдағысы			314,778,747
Меншікті капиталдың жиынтығы		1,367,965,352	1,677,065,713
IV. Кепілдік беру резерві			
Салымдар бойынша өтеуге арналған резерв	J	6,799,273,990	8,382,356,700
Кепілдік беру резервінің жиынтығы			
V. Ұзақ мерзімді міндеттемелер			
Несиелер мен займдар			
Мерзімі ұзартылған корпоративтік табыс салығы	K	50,634	0
Ұзақ мерзімді несиелік берешек			
Ұзақ мерзімді міндеттемелердің жиынтығы		50,634	0
V1. Ағымдағы міндеттемелер			
Қысқа мерзімді займдар мен овердрафт			
Ұзақ мерзімді займдардың ағымдағы бөлігі			
Қысқа мерзімді несиелік берешек	L	156,211,850	630,723,912
Бюджетпен есеп айырысу			
Еншілес (тәуелді) ұйымдар мен бірлескен-бақыланатын заңды тұлғаларға несиелік берешек			
Алдағы кезеңдердің кірісі			
Өзге де несиелік берешек және есептеулер			
Ағымдағы міндеттемелердің жиынтығы		156,211,850	630,723,912
БАЛАНС		8,323,501,827	10,690,146,325



2005 жылғы КІРІС ПЕН ШЫҒЫС ТУРАЛЫ ЕСЕП

(қазақстандық теңгемен)

Көрсеткіштердің атауы	Ескерту №	
Дайын өнімді (тауар, жұмыс, қызмет) сатудан түскен кіріс		
Сатылған дайын өнімнің (тауар, жұмыс, қызмет) өзіндік құны		
Жалпы кіріс		
Кезеңнің шығып, барлығы	М	93,624,780
оның ішінде:		
- сатуға жұмсалған шығын		
- жалпы және әкімшілік шығын		93,551,007
- сыйақы төлеуге жұмсалған шығын		73,774
Негізгі қызмет табысы (шығысы)		-93,624,780
Негізгі емес қызмет табысы (шығысы)	N	408,188,998
Жәй қызметтен салық салынғанға дейінгі табыс (шығыс)		314,564,218
Корпоративтік табыс салығы бойынша шығын	O	-214,529
Жәй қызметтен салық салынғаннан кейінгі табыс (шығыс)		314,778,747
Төтенше жағдайлардан табыс (шығыс)		
Таза табыс (шығыс)		314,778,747



2005 жылғы КІРІС ПЕН ШЫҒЫС ТУРАЛЫ ЕСЕП

(қазақстандық теңгемен)

Көрсеткіштердің атауы	
I. Операциялық қызметтен түсетін ақша қозғалысы	
1. Барлық түскені,	2,664,490
оның ішінде:	
дайын өнімді (тауар, жұмыс, қызмет) өткізу	
алынған аванстар	
сыйақы	
дивидендтер	
роялти	
басқалары	2,664,490
2. Барлық шығарылғаны,	1,063,684,501
оның ішінде:	
өнім берушілер мен мерлігерлерге төлемдер	33,867,393
берілген аванстар	980,309,013
жалақы бойынша төлемдер	29,589,425
жинақтаушы зейнетақы қорына төлемдер	3,599,277
бюджетпен есеп айырысу	8,782,662
басқа төлемдер	7,536,731
3. Операциялық қызмет нәтижесі	-1,061,020,011
II. Инвестициялық қызметтен түсетін ақша қозғалысы	
1. Барлық түскен ақша,	29,339,190,025
оның ішінде:	
материалдық емес активтерді өткізу	
негізгі құрал-жабдықтарды өткізу	
басқа ұзақ мерзімді активтерді өткізу	
қаржылық активтерді өткізу	29,339,190,025
берілген займдарды өткізу	
басқалары	
2. Барлық шығарылған ақша,	30,419,497,298
оның ішінде:	
материалдық емес активтерді алу	462,121
негізгі құрал-жабдықтарды алу	710,114
басқа ұзақ мерзімді активтерді алу	
қаржылық активтерді алу	30,418,325,064
займдар беру	
басқа төлемдер	
3. Инвестициялық қызмет нәтижесі	-1,080,307,273
III. Қаржылық қызметтен түсетін ақша қозғалысы	
1. Барлық түскен ақша,	2,195,163,545
оның ішінде:	
акциялар мен басқа құнды қағаздар эмиссиясы	
займдар алу	
қаржыландырылатын займдар бойынша сыйақы алу	
басқалары	2,195,163,545
2. Барлық шығарылғаны,	
оның ішінде:	
займдарды өтеу	
өз акцияларын алу	
дивидендтер төлеу	
басқалары	
3. Қаржылық қызмет нәтижесі	+2,195,163,545
Жиынтығы: ақшаның көбеюі (+) және азаюы (-)	+53,836,260
Есепті кезеңнің бас кезіндегі ақша	136,480,024
Есепті кезеңнің аяқ кезіндегі ақша	190,316,284